



大明集禮

三十七

樂

雅樂三

共四

74
6292
38



大明集禮卷五十一

樂歌總叙

昔者**羲農軒后**以**昊顓頊高辛**皆作樂以象德而樂歌則未聞也自**舜**命夔典樂有歌永言之辭及搏拊琴瑟以咏之語**殷周**各有雅頌以祀郊廟**周禮**鄉飲酒及燕禮工歌鹿鳴四牡皇皇者華等詩大射歌鹿鳴三終**漢**叔孫通定樂有降神納俎登歌薦裸等曲武帝定郊祀之歌十九章一曰練時日二曰帝臨三曰青陽四曰朱



去五味子藏



74
6292
35

明五曰西顛六曰玄冥七曰惟泰元八曰天地
九曰日出十曰天馬十一無詞十二曰景星
十三曰齊房十四曰后皇十五曰華燁燁十六
曰五神十七曰朝隴首十八曰象戴瑜十九曰
赤蛟魏武帝時杜夔舊傳雅樂四曲一曰鹿鳴
二曰騶虞三曰伐檀四曰文王皆古聲詞晉武
帝郊廟明堂禮樂權遵魏制但改樂章使傅玄
為詞有祠天地五郊祠廟夕牲送神歌又令荀
勗張華夏侯湛成公綏等各造郊廟諸樂歌辭

傅玄又作先農先蠶歌辭齊高帝建元初有司
奏郊廟雅樂歌辭命學者博士並撰擇而用之
至武帝時有司奏神廟雅樂歌詞舊使學士博
士搜撰簡采用參議太廟登歌宜用司徒褚彥
回謝超宗辭梁武帝素善鍾律遂作雅歌十二
以則天數皇帝出入奏皇雅皇太子出入奏胤
雅王公出入奏寅雅上壽酒奏介雅食舉奏需
雅徹饌奏雍雅牲出入奏滌雅薦毛血奏衿雅
降神送迎奏誠雅飲福酒奏獻雅就燎位奏禋

雅衆官出入奏俊雅後魏來自雲翔樂操土風
未忘其俗而樂章雜以鞞邏回歌君子無取焉
北齊四郊宗廟三朝之樂各有樂章後周恭帝
平荊州大獲梁氏樂器乃令依準成周制其歌
舞祀五帝日月星辰用黃帝樂歌大呂祭九州
社稷水旱雩祭用唐堯樂歌應鍾祀四望享諸
侯用虞舜樂歌南呂祀四類辛辟雍用夏禹樂
歌函鍾祭山川用殷湯樂歌小呂享宗廟用周
武樂歌夾鍾皇帝出入奏皇夏賓出入奏肆夏

牲出入奏昭夏藩國客出入奏納夏公卿出入
奏章夏皇帝進羞奏深夏宗室會聚奏族夏上
酒宴樂奏陔夏諸侯見奏驚夏皇帝大射奏騶
虞諸侯歌狸首大夫歌采蘋士歌采芣其文雄
甚而未及用隋高祖詔李元孫盧思道制清廟
歌辭十二曲唐高祖命祖孝孫制十二和之樂
一曰豫和以降天神冬至祀圜丘上辛祈穀孟
夏雩季秋享明堂朝日夕月巡守告于圓丘燔
柴告至封祀泰山類于上帝二曰順和以降地

禮記卷之二十一
三
祇夏至祭方丘孟冬祭神州地祇春秋巡守告
社宜于社禪社首三曰永和以降入鬼享禘祫
有事而告謁于廟四曰肅和登歌以奠玉帛于
天神 呂爲宮于地祇以應鍾爲宮宗廟以
圜鍾爲宮先農釋奠以南呂爲宮望于山川以
函鍾爲宮五曰雍和凡祭祀以八俎天神之俎
以黃鍾爲宮地祇之俎以太簇爲宮人鬼之俎
以無射爲宮六曰壽和以酌獻飲福以黃鍾爲
宮七曰太和以爲行節亦以黃鍾爲宮八曰舒

和以出入二舞及皇太子王公羣后國老若皇
后之妾御皇太子之宮臣出入門則奏之皆以
太簇之商九曰昭和皇帝皇太子以舉酒十曰
休和皇帝以飯肅拜三老皇太子亦以飯皆以
其月之律均十一曰正和皇后受冊以行十二
曰承和皇太子在其宮有會以行至開元又制
三和并前十二和爲十五和三公升階會訖下
階屣行則奏緘和享先農則奏豐和孔宣父齊
太公則奏宣和宋太祖詔太常竇儼奏樂改周

樂十二順爲十二安蓋取治世之音安以樂之
義祀天爲高安祭地爲靜安宗廟爲理安天地
宗廟登歌爲嘉安皇帝臨軒爲隆安王公出入
爲正安皇帝飲食爲和安皇帝受朝皇后入宮
爲順安皇太子軒懸出入爲長安正冬朝會爲
永安郊廟俎八爲豐安祭享酌獻飲福爲禧安
文宣王武成王同用永安籍田先農爲靜安其
後太宗又自親撰郊祀昊天四曲真宗繼撰廟
享二曲仁宗高宗各親撰製樂章元祀圜丘方

丘社稷宗廟先農文宣王各有樂章

國朝祀圜丘奏中和肅和等九章方丘亦奏中
和肅和等曲九章宗廟奏太和壽和等曲一十
一章社稷奏廣和凝和等曲十四章先農奏永
和雍和等曲十二章謹叙樂歌樂章以冠于端
歷代及

國朝歌章之詳用著于后

樂歌

虞書詩言志歌永言舜作五絃之琴以歌南風

歌曰南風之時兮可以阜吾民之財兮南風之薰兮可以解吾民之愠兮

周官樂師凡射以騶虞為節諸侯以貍首為節大夫以采蘋為節士以采芣為節及徹率學士而歌徹

儀禮鄉飲酒工歌鹿鳴 四牡 皇皇者華

笙南陔 白華 華黍 乃間歌魚麗

笙由庚 歌南有嘉魚 笙崇丘 歌南山有臺 笙由儀 乃合樂周南關雎 葛覃卷耳

召南鵲巢 采蘋 采芣

燕禮 工歌鹿鳴 四牡 皇皇者華

笙奏南陔 白華 華黍 乃間歌魚麗

笙由庚 歌南有嘉魚 笙崇丘 歌南山有臺 笙由儀 遂歌卿樂周南關雎葛覃卷耳 召南鵲巢 采芣 采蘋

大射禮 歌鹿鳴三終 乃管新宮三終 奏貍首以射

漢廟樂 大祝迎神於廟門奏嘉至猶古降神

之樂

皇帝入廟門奏永安以為行步之節猶古采齊肆夏也 乾豆上奏登歌 登歌再終下奏休成之樂 就酒東廂奏永安之樂

齊祀南郊 羣臣出入奏肅咸之樂 牲出入

奏引牲之樂 薦毛血奏佳薦之樂 迎送神

奏昭夏之樂

皇帝入壇奏永至之樂 升壇奏登歌

初獻奏文德宣烈之樂 配享奏高德宣烈之

樂 飲福奏嘉胙之樂 燎位奏昭遠之樂

還殿奏休和之樂

北郊 初獻奏地德凱容之樂 次奏昭德凱

容之樂 瘞埋奏隸幽之樂 餘並同南郊

明堂 初獻奏凱容宣德之樂 賓出入及餘

樂並同南郊

祠廟 皇帝入廟奏永至之樂 太祝裸地奏

登歌 諸皇祖各奏凱容之樂 飲福奏永胙

送神奏肆夏之樂 羣臣出入牲出入薦毛

九思集禮 卷五十一 七
血迎神詣便殿並與南郊明堂同

太祖室奏高德昭烈之樂 穆后神室奏穆德

凱容之樂 高宗奏明和凱容之樂

藉田詔驍騎將軍江淹造藉田歌二章

樂章

唐祀園丘樂章八首 褚亮魏徵虞世南等作

降神用豫和

上靈眷命膺會昌盛德殷薦叶辰良景福降兮
聖德遠玄化穆兮天曆長

皇帝行用太和

穆穆我后道膺千齡登三處大得一居貞禮惟

崇德樂以和聲百神仰止天下文明

登歌奠玉幣用肅和

闔陽播氣甄曜垂明有赫圓宰深仁曲成日麗

蒼壁烟開紫營聿遵虔享式降鴻禎

迎俎八用雍和

欽惟大帝載仰皇穹始命由燭爰啓郊宮雩門
駭聽雷鼓鳴空神其介祀景祚斯融

酌獻飲福用壽和

八音斯奏三獻畢陳寶祚惟永暉光日新

送文舞出迎武舞八用舒和

疊璧凝影皇壇路編珠流采帝郊前已奏黃鍾
歌大呂還符寶曆祚昌年

武舞用凱安

昔在炎運終中華亂無象鄴郊赤烏見邙山黑
雲上大賚下周車禁暴開殷網幽明同叶贊鼎
祚齊天壤

送神用豫和

歌奏畢兮禮獻終六龍御兮神將升明德感兮
非忝稷降福簡兮祚休徵

祀方丘樂章八首 褚亮作

迎神用順和

萬物資以化文泰屬升平易從業惟簡得一道
斯寧具儀光玉帛送舞變咸英忝稷良非貴明
德信惟馨

皇帝行用太和 詞同圜丘

大日集禮 卷三十一
登歌奠玉幣用肅和

至哉坤德皇哉帝祇開元統紐合大承規九宮
肅列六典相儀永言配命長保無虧

迎俎用雍和

柔而能方直而能敬厚載以德大亨以正有滌
斯捨布馨斯盛介茲景福祚我休慶

酌獻飲福用壽和 詞同圜丘

送文舞出迎武舞入用舒和

玉幣牲牲分薦享羽旄干戚透成容一德惟寧

兩儀泰三光保合四時邕

武舞用凱安 詞同圜丘

送神用順和

陰祇叶贊厚德方貞牲幣具舉簫鼓備成其豐
惟肅其德惟明神之聽矣式鑑虔誠

享太廟樂章 魏徵褚亮作

迎神用永和

於穆烈祖弘此丕基永言配命子孫保之百神
既洽萬國在茲是用孝享神其格思

皇帝行用太和 詞同園丘

登歌酌鬯用肅和

大哉至德允茲明聖格于上下聿遵誠敬喜樂
斯登鳴球以咏神其降止式降景命
迎俎用雍和

崇茲享祀誠敬兼至樂以感靈禮以昭事粢盛
咸潔牲牲孔備永言孝思庶幾不匱

高祖大武皇帝酌獻用大明

五祀更運三正適升勛華旣設禹湯勃興神武

命代靈睭是膺望雲彰德密緯告徵上紐天維
下安地軸徵師涿野萬國咸服偃伯靈臺九官
允穆殊域委賚懷生介福大禮旣飾大樂已和
黑章擾圉赤字浮河功宣載籍德被詠歌克昌
厥後百祿是荷

太宗文皇帝勺獻用崇德

五運改卜千齡啓聖彤雲曉聚黃星夜映葉闡
珠囊圖開玉鏡下臨萬宇上齊七政霧開三象
塵清九服海潤星輝遠安邇肅天地交泰華夷

輯睦翔泳歸仁中外禔福績踰黜夏勳高翦商
式陳七德刑設三章祥禽巢閣仁獸游梁千年
惟永景福無疆

飲福用壽和

八音斯奏三獻畢陳寶祚惟永輝光日新

退文迎武用舒和

聖敬道神光七廟靈心薦祚和萬方嚴裡克配
鴻基遠明德惟馨鳳曆昌
武舞用凱安

昔在炎運終中華亂無象豐郊赤烏見邛山黑
雲上大賚下周車禁暴開設網幽明同叶贊鼎
祚齊天壤

徹豆用雍和

於穆清廟聿脩嚴祀四縣再陳三獻斯止籩豆
徹薦人祗界祉神惟格思錫祚不已

送神用永和

肅肅清祀烝烝孝思薦享昭備虔恭在茲雍歌
徹俎祝嘏陳辭田光武至永固鴻基

社稷樂章

迎神用順和

萬物資以化文奏屬升平易從業惟簡得一道
斯寧具儀光玉帛送舞變成英

皇帝行用太和

穆穆我后道膺千齡登三處大得一居貞禮惟
崇德樂以和聲百神仰止天下文明

登歌奠玉帛用肅和

后土凝德神功協契九域底平兩儀交際戊期

應序陰墉展幣靈車以留俯歆尊桂

迎俎用雍和

羨報崇本嚴恭展事受露䟽壇承風啓地潔粢
登俎醇犧八饋介福遠流羣生畢遂

皇帝酌獻飲福用壽和

八音斯奏三獻畢陳寶祚惟永輝光日新

退文迎武用舒和

神道降祥和庶品靈心載德厚群生水土既調
三極泰文武畢備九區平

武舞用凱安

昔在炎運終中華亂無象
鄴郊赤烏見邙山黑
雲上大賚下周車禁暴
開殷網幽明同叶贊
鼎祚齊天壤

送神用豫和

歌奏畢兮禮獻終六龍御兮神將升
明德感兮非黍稷降福簡兮祚休徵

祭先農樂章

迎神用誠和

粒食伊始農之所先古今攸賴是曰人天耕斯
帝籍播厥公田式崇明祀神其福焉

皇帝行用太和

穆穆我后道膺千齡登三處大得一居貞禮惟
崇德樂以和聲百神仰止天下文明

登歌奠玉帛用肅和

樽彝既列瑚簋方薦歌工載登幣禮斯奠肅肅
享祀顒顒纓弁神之聽之福流環縣
迎俎用雍和

前夕視牲質明奉俎沐芳整弁其儀式序盛禮
畢陳嘉樂備舉歆我懿德非馨稷黍

酌獻飲福用壽和

八音斯奏三獻畢陳寶祚惟永暉光日新

送文迎武用舒和

羽籥低昂文綴已干戚蹈厲武行初望歲祈農
神所聽延祥介福豈云虛

武舞亞終獻用凱安

昔在炎運終中華亂無象鄧郊赤烏見邛山黑

雲上大賚下周車禁暴開殷網幽明同叶贊昂
祚齊天壤

送神用誠和

三推禮就萬庾祈凝夤賓志遠薦袞惟興降歆
肅薦垂祐祖膺送神有樂神其上升

百神樂章

降神用豫和

上靈瞻命膺會昌盛德殷薦叶辰良景福降兮
聖德遠玄化穆兮天曆長

皇帝行用太和

穆穆我后道應千齡登三處六得一居貞禮惟
崇德樂以和聲百神仰止天下文明

登歌奠玉帛用肅和

序迫歲陰日纏星紀爰稽茂典聿崇清祀綺幣
霞舒瑞珪虹起百禮垂裕萬靈薦祉

迎俎用雍和

緹籥效序玄英晚候姬蜡開儀函歌八奏蕙馥
雕俎蘭芬玉酎大享明祇永綏多祐

酌獻飲福用壽和

八音斯奏三獻畢陳寶祚惟永暉光日新

送文舞迎武舞用舒和

經緯兩儀文化洽削平萬域武功成瑤弦自樂
乾坤泰玉鉞長歡區縣寧

武舞用凱安

昔在炎運終中華亂無象鄴郊赤烏見邙山黑
雲上大賚下周卓禁暴開殷網幽明同叶贊鼎
祚齊天壤

送神用豫和

歌奏畢兮禮獻終六龍御兮神將升明德感兮
非忝稷降福簡兮祚休徵

皇太子親釋奠文宣王樂章

迎神用誠和

聖道日用神幾不測金石以陳弦歌載陟爰釋
其菜匪馨黍稷來顧來享是宗是極

皇太子行用承和

萬國以貞光上嗣三善茂德表重輪視膳寢門

遵要道高闢崇賢列正人

登歌奠幣用肅和

粵惟上聖有縱自天旁周萬物俯應千年舊章
允著嘉贄孔虔王化茲首儒風是宣

迎俎用雍和

堂獻瑤篚庭敷瓊懸禮備其容樂和其變肅肅
觀享雍雍執奠明德惟馨蘋蘩可薦

送文舞迎武舞用舒和

準集龜開昭聖列龍蹲鳳跼肅神儀尊儒敬業

宏圖闡緯武經文盛德敷

武舞用凱安 詞同圜丘

送神用誠和

醴溢犧象羞陳俎豆魯辭疑聞泗川如觀里效
覃福胄延神祐雅樂清音送神其奏

祭武成王樂章

迎神奏宣和之舞三成

卜畋不從兆發非熊乃傾荒政爰佐一戎盛列
載垂命祀惟宗日陳上戊宿嚴闕宮迎奏嘉至

感而遂通

奠幣登歌奏肅和

管罄升羶薌集上公進嘉幣執信以通儻如及
恢帝功錫后邑四維張百度立綿億載邈難揖
迎俎酌獻

五齋潔元牢碩椀箴脩壘竿滌進具物揚鴻績
和奏發高靈寂虔告終繁祉錫昭秋祀永無斁
亞終獻

貳觴以獻三變其終顧此非馨尚達斯衷茅縮

何致神歆載融始神載融拯溺除凶時維降祐
永絕興戎

送神

明祀方終備樂斯闋玄纁就瘞籩豆告徹盼享
尚餘光景玄滅返歸虛極神心則悅

宋祀圓丘樂章八曲

建隆元年竇儼撰

降神用高安

在國南方時維就陽以祈帝祉式致民康豆籩
鼎俎金石絲篁禮行樂奏皇祚無疆

皇帝行用隆安

步武舒遲升壇肅祗其容允若干禮攸宜

奠玉帛用嘉安

嘉王制幣以通神明神不享物享于克誠

奉俎用豐安

笙鏞備樂繭栗陳牲乃送芳俎以薦高明

酌獻用禧安

丹雲之爵金龍之勺挹於尊罍是日清酌

飲福用禮安

潔茲五齊酌彼六尊致誠斯至率禮彌敦以介
景福永隆後昆重熙累洽帝道攸尊
亞終獻用正安

謂天盖高其聽孔卑聞樂歆德介以福禧
送神用高安

倏兮而來忽兮而回雲馭杳邈天門洞開
祭方丘樂章 景祐三年諸臣撰

降神用靜安

至哉厚德陟配天長沉潜剛克廣大無疆資生

萬物神化含章同和八變神靈效祥
升殿用正安

景風應時聿嚴嵒祀用事方丘鏘鏘濟濟登降
有節三獻成禮神其格思錫我繁祉

奠玉帛用嘉安

坤元博厚對越天明展事方澤亶惟顧歆嘉王
量幣祗薦精純錫我繁祉燕及函生

奉俎用豐安

丕答靈貺蕝祀方丘豆登在列鼎俎斯儔牲牲

告具寅畏彌周柔祇昭格颺至雲流
酌獻用光安

祇事坤元飭躬敢憚爰潔粢盛載嚴圭瓚清明
內融嘉旨外粲介我繁禧時億時萬

退文舞進武舞用正安

於穆媪神媿德彼天我脩茲祀以莫不虔肆陳
時夏干羽相宣靈其來游降福綿綿

亞終獻用文安

禮有祈報國惟典常籩豆豐潔降升齊莊備物

致志式薦累觴來格來享自天降康

送神用寧安

至厚至深其動也剴精誠默通或出其藏神之
言歸化斯有光相我炎圖萬世無疆

朝日樂章

降神用高安

陽德之母義馭寅賓得天久照首茲三辰正辭
備物肅肅振振淪精降鑑克享明禋
奠玉帛酌獻用嘉安

醴齊良潔有牲斯絕大采黜冕乃昭其文王宮
定位粢盛苾芬民事以叙盛德升聞

送神用高安

懸象著明照臨下土降福穰穰德施用普

夕月樂章

降神用高安

凝陰秉粹照臨八紘麗天垂象繼日代明一氣
資始四時運行靈祇昭格備物薦誠

奠玉幣酌獻用嘉安

夕耀乘秋功存宇縣金奏在懸以時致薦祀事
孔明明靈降眷潔粢豐盛倉箱流行

送神用高安

夙陳籩豆潔誠致祈垂休保佑景祚魏魏

祭風師樂章

迎神用欣安

天物絜縕神氣撓之誰歟其師維南之箕俶哉
明庶我祀惟時我心孔勞神其下來

酌獻用雍安

我求於神無臭無聲神之燕享惟時專精大磬
在列楨燎在庭侑我桂酒娛其以聽

送神

曲名同迎神

荃以止乎惇惇其容奄橫四海蹇莫之窮時不
驟得禮與有終荃其行乎余心懔懔

祭雷師樂章

迎神用欣安

衆萬之托動之潤之昭格孔時維神之依泠然
後先肆我肯顧是耶非耶紛其來下

酌獻用雍安

瞻彼南山有虺其出維蟄之奮維癘之息眷焉
顧享在夏之日觴豆靡報皇忍忘德

送神

曲名同迎神

陰旄載旋鼓車其鞭問神安歸冥然而天皇有
正命祀事孔蠲其臨其歸億萬斯年

太廟樂章

盥洗用乾安

維皇齊精駿假于廟觀盥之初惟以潔告行承

祖宗恤祀昭孝誠心有孚介福斯報
迎神用興安

鉅鬯既將黃鍾具奏肅我祖考祗栗以俟於皇
列聖在帝左右監觀于茲雲車來下

奉俎用豐安

有碩其牲登于大房肅展以享庶幾迪嘗匪賄
是告我民其康保艾爾後垂休無疆

詣太祖室酌獻用大定

為民請命皇祖赫臨天地並貺億萬同心造邦

以德介福宜深挹彼惟旨真游居歆

詣太宗室酌獻用大定

皇矣太宗嗣服平成益奮神旅再征不庭文武
秉德仁孝克明以聖傳聖對越紫清

真宗室用熙文

思文真宗體道之崇懔威赫靈遵制揚功珍符
鼎來告成登封盛德百世於昭無窮

仁宗室用羨成

仁德如天徧覆無偏功濟九有恩涵八埏齊民

受康朝野晏然擊壤歌謠四十二年
降殿出小次用乾安

於皇我后祗戒專精躬製聲詩文思聰明雍容
戾止玉立瑞誠神聽如在福祿來寧

文舞退武舞進用正安

八音諧律綴兆充庭進旅退旅肅恭和平盛薦

祖宗靈鑑昭升象功崇德適觀厥成

亞終獻用正安

疏暴三舉誠心一純孰陪予祀公族振振神其

醉止燕娛杳冥於斯萬年綏我斯成
飲福用禧安

赫赫明明維祖維宗監于文孫維德之同日靖

四方亦同其功億萬斯年以承家邦

送神用興安

神之來游風馬雲車奄留放

還歸鈞天帝居監觀于下何福不除
顧瞻歎歎神之

祭社稷樂章

降神用安寧

五祀之本社稷有嚴芟作伊始夫敢不虔吉日
維戊式薦豆籩其神來格用介有年
升壇用正安
坤地之道粒食有先歲謹祈報禮嚴豆籩降登
裸薦罔或不虔以似以續宜屢豐年
奠幣用嘉安
土發而祭農祥是期籩豆加篚典禮有彝惟茲
珪幣用告肅祗神靈降鑑錫我繁釐
奉俎用豐安

嘉承天和忝稷翼翼默相農功伊神之德俎實
犧牲舊章是式嗣有豐年我虔惟億
酌獻用嘉安
封土崇祀有烈在民千載不昧福此人羣洗爵
奠尊有酒其馨神具醉止豈樂忻忻
亞終獻用文安
風雨時若自天降康稼穡滋殖自神發祥穀我
婦子豐年穰穰報本嚴祀齊明允臧
送神用寧安

乃粒烝民功昭萬古國有常祀薦獻式叙肅肅
雍雍舊章咸舉神保聿歸介我稷黍
望瘞用正安

地載萬物民資乃功報本稱祀大稷攸同禮樂
既備訖埋愈恭神其降嘏時和歲豐

先農樂章

迎神用靜安

先農播種九穀務滋靈壇致享黛耜陳儀日惟
吉多運屬純熙樂之作矣神其格思

奠玉帛用嘉安

親耕展祀明靈來格九有駿奔百司庀職獻奠
肅肅登降翼翼祈彼豐穰福流萬國

奉俎用豐安

肅陳韶武祗應犧牲乃迎黃俎以率躬耕
亞終獻用正安

祀惟古典食乃民天歆茲潔祀以應祈年
式陳芳薦爰致虔誠神其降鑑永福黎甿
送神用靜安

明禋紺壇靈風肅然登歌已闋神馭將旋道光
帝籍禮衛公田鑑茲躬稼永錫豐年
望祭山川

迎神用凝安

升壇用同安

奠幣用明安

酌獻用成安

送神用寧安

禘祭百神樂章

以上並十章八句其辭亡

降神用同安

百物蕃阜四方順成通其八禘合乃嘉平旨酒
斯醇大庖孔盈萬靈來格威儀以成

奠幣酌獻用嘉安

肅肅靈壇昭昭上天潔粢豐盛以享以虔百神
咸萃六樂斯縣介茲景福期於有年

送神用高安

來顧來享禮成樂備靈馭翩翩雲行雨施
文宣王釋奠樂章

迎神用凝安

黃鍾宮 應鍾羽

大呂角

大簇徵

大哉宣聖道尊德崇維持王化斯民是宗典祀
有常精純並隆神其來格於昭盛容

生而知之有教無私成均之祀威儀孔時維茲
初丁潔我盛筵永適其道萬世之師

巍巍堂堂其道如天清明之象應物而然時維
上丁備物薦誠維新禮典樂諧中聲

聖王生知闡乃儒規詩書文教萬世昭垂良日
維丁靈承不爽揭此精虔神其來享

盥洗用同安

右文興化憲古師經明祀有典吉日維丁豐犧
在俎雅奏在庭周旋陟降福祉是膺

升奠用同安
誕興斯文經天緯地功加于民寔千萬世笙鏞

和鳴筦盛豐備肅肅降登歆茲秩祀
奠幣用明安

自生民來孰底其盛惟王神明度越前聖筵幣
具成禮容斯稱黍稷非馨惟神之聽

奉俎用豐安

道同乎天人倫之至有享無窮其興萬世既潔
斯牲粢明醑旨不懈以忱神之來暨
文宣王位酌獻用成安

大哉聖王實天生德作樂以崇時祀無斁清醑
惟馨嘉牲孔碩薦羞神明庶幾昭格

兗國公位酌獻用成安

庶幾屢空淵源深矣亞聖宣猷百世宜祀吉蠲
斯辰昭陳尊簋旨酒欣欣神其來止

鄒國公位酌獻

道之由興於皇宣聖惟公之傳人知趨正與享
在堂情文實稱萬年承休假哉天命

亞終獻用文安

百王宗師生民物軌瞻之洋洋神其寧止酌彼
金壘惟清且旨登獻惟三於嘻成禮
徹豆用娛安

犧象在前豆籩在列以享以薦既芬既潔禮成
樂備人神和悅祭則受福率遵無越

送神用凝安

望瘞

盥洗同

有嚴學宮四方來宗恪恭祀事威儀雍雍歆茲
惟馨飈御旋復明禋斯畢咸膺百福

釋奠武成王樂章

迎神用凝安

於赫烈武光昭古今載嚴祀事致備惟欽既潔
其牲既諧其音神之格思來顧來歆

升殿用同安

肅肅廟中有嚴階城匪棘匪徐進退可則冕服

是儀環佩有節神之鑑觀率履不越

奠幣用明安

祀率舊典禮崇駿功齊明中正盼蠻豐融量幣
宿冊周旋鞠躬神其昭受幽贊無窮

武成王酌獻用成安

赫赫尚父時惟鷹揚神潛韜畧襟抱帝王談笑
致主竹帛流芳國有嚴祀載稽典常

留侯位酌獻用成安

眷彼留侯奇籌贊漢依乘風雲勒功盛旦克配

明禋儀刑有煥英氣如生來格來衍

亞終獻用正安 配位同

道助文德言為世師功名不泯祀事無遺旨酒
惟馨具醉在茲有嘉累獻神其燕娛

送神用凝安

日惟上戊神顧精純禮備三獻樂成七均奄流
洋洋流福無垠言旋恍惚空想如存

元園丘樂章 大德定擬

皇帝入中壇奏黃鍾宮

赫赫有臨洋洋在上克配皇祖於穆來饗肇此
大禋乾文弘朗被袞玄丘巍巍圓象

皇帝盥洗奏黃鍾宮

翼翼孝思明德洽禮功格玄穹有光帝始著我
精誠潔茲薦洗幣玉攸奠永集嘉祉

升壇奏大呂宮

天行惟健盛德御天日月龍章筍簾宮縣藁鞮
尚明禮璧蒼玄神之格思香升燔烟

降神奏天成之曲 園鍾宮

九鼎集禮 卷三十一
三十一
烝哉皇元丕承帝眷報本貴誠于郊殷薦藁蕝
載陳雲門六變神之格思來處來燕

盥洗奏隆成之曲 黃鍾宮

肇禋南郊百神受職齊潔惟先匪馨惟稷迺沃
迺盥祠壇是陟上帝監觀其儀不忒

升壇奏隆成之曲 大呂宮

於穆圜壇陽郊奠位孔惠孔時吉蠲惟饗降登
祗若百禮既至願言居歆允集熙事

奠玉幣奏欽成之曲 黃鍾宮 正配位同

謂天盖高至誠則格克祀克禋駿奔百辟制幣
斯陳植以蒼璧神其降康俾我多益

司徒奉俎奏寧成之曲 黃鍾宮

我牲既潔我俎斯實笙鏞克諧籩豆有飫神來
宴娛歆茲明德永錫繁禧如幾如式

昊天上帝位酌獻奏明成之曲 黃鍾宮

於昭昊天臨下有赫陶匏薦誠馨聞在德酌言
獻之上靈是格降福孔皆時萬時億

皇地祇位酌獻 大呂宮

至哉坤元與天同德
函育羣生玄功莫測
合享園壇舊典時式
申錫無疆聿寧皇國

太祖皇帝酌獻 黃鍾宮

禮大報本郊定天位
皇皇神祖及始克配
至德難名玄功弘濟
帝典式敷率育攸暨

飲福奏 大呂宮

特牲享誠備物循質
上帝居歆百神受職
皇武昭宣孝祀芬苒
萬福攸同下民陰隲

皇帝出小次奏 黃鍾宮

惟天爲大惟帝享帝
以配祖考肅贊靈祉
定極崇功永我昭事
升中于天象地畢至

文舞退武舞進奏和成之曲 黃鍾宮

羽籥旣竣載揚玉戚
一弛一張匪舒匪棘
八音克諧萬舞有奕
永觀厥成純嘏是錫

亞終獻奏和成之曲 黃鍾宮

有嚴郊禋恭陳玉幣
大禧是承載祗載肅
上帝居歆馨香旣飫
惠我無疆介以景福

徹豆奏寧成之曲 大呂宮

三獻收終六樂斯徧既右享之徹其有踐洋洋
在上默默靈眷明禋告成於皇錫羨

送神奏天成之曲 圜鍾宮

神之來歆如在左右神保聿歸靈旂先後恢恢
上圓無聲無臭日監孔昭思皇多祐

望燎位奏 黃鍾宮

熙事備成禮文郁郁紫煙聿升靈光下燭神人
樂康永膺馘穀祚我不平景命有僕

皇帝出中壝奏 黃鍾宮

泰壇承光寥廓玄覽暢我揚明享儀惟大九服
敬宣聲教無外皇拜天祐照臨斯屆

宗廟樂章

皇帝入門奏順成之曲 無射宮

熙熙雍雍六合大同維皇有造典禮會通金奏
王夏祗款神宗感格如響嘉氣來叢

盥洗奏順成之曲 無射宮

天德維何如水之清維水內曜配彼天明以滌
以濯犧象光晶孝思惟則式薦忱誠

升堂登歌奏順成之曲 夾鍾宮

皇明燭幽公時制作宗廟降登 時若趨以

采齊聲容有恪曰藝曰文監茲衍樂

出入小次奏昌寧之曲 無射宮

於皇神宮象天清明肅肅來止相維公卿威儀

孔彰君子攸寧神之休之綏我思成

迎神奏思成之曲 黃鍾宮三成

齋明盛服翼翼靈春禮備多儀樂成九變烝烝
孝心若聞且見盼蠻端臨來寧來燕

升殿奏肅寧之曲 夾鍾宮

祀事有嚴太宮有恆陟降靡違孔容翼翼籩豆

旅陳鍾磬翕繹於昭吉蠲神保是格

司徒奉俎奏嘉成之曲 無射宮

色純體全三犧五牲鸞刀屢奏毛魚載羹神具

饗飫聽我磬聲居歆有永胡考之寧

太祖室奏開成之曲 無射宮

天扶昌運混一中華爰有真人舊起龍沙際天

開宇亘海為家肇脩裡祀萬世無涯

大月集禮 卷三十一 三十一
睿宗室奏昭成之曲

無射宮

天啓深仁須世而昌
追惟顯考敢後光揚
徽儀肇舉禮備音鏘
皇靈監止降釐無疆

飲福奏釐成之曲

夾鍾宮

穆穆天子禋祀太宮
禮成樂備敬徹誠通
神晉樂止錫之醇醲
天子萬世福祿無窮

文舞退武舞進奏肅成之曲

無射宮

幽通神明所重精禋
清宮肅肅百禮具陳
九韶克諧八佾兢兢
靈光昭答天休日申

徹豆奏豐寧之曲

夾鍾宮

豆籩芬苾金石鏘鏗
禮終三獻樂奏九成
有嚴執事進徹無聲
神保聿歸萬福來寧

送神奏保成之曲

黃鍾宮

神主在室神靈在天
禮成樂闋神返幽玄
降福冥冥百順無愆
於皇孝思于斯萬年

社稷樂章

降神奏鎮寧之曲

林鍾宮

以社以方國有彝典
大哉元德基祚綿遠
農功

萬世於焉報本顯相默祐降監壇墀

盥洗奏肅寧之曲 太簇宮

禮備樂陳辰良日吉挹彼尊罍馨芬黍稷濯漑

揭虔維巾及晷萬年嚴祀踰踰受職

升壇奏肅寧之曲 應鍾宮

春祈秋報古今彝章民天是資神靈用彰功崇

徑嚴人阜時康雍雍為儀燔芬苾香

正配位奠玉幣奏億寧之曲 太簇宮

地示嚮德稽古美報幣帛斯陳圭璋貳縑載烈

載燔肴羞致告雨暘時若不圖永保

奉俎奏豐寧之曲 太簇宮

我稼既同羣黎徧德我祀如何牲牲孔碩有翼

有嚴隨方布色報功求福其儀不忒

酌獻奏保寧之曲 太簇宮

異世同德於皇聖造降茲嘉祥衛我大寶生乃

烝民侔德覆燾厥作裸將有相之道

配位酌獻奏保寧之曲 太簇宮

以御田祖皇家秩祀有民人焉盍究本始惟叙

惟脩誰實介止酒旨且多盛德宜配

亞終獻奏咸寧之曲
太簇宮

以引以翼來處來燕豆籩牲牢有楚有踐庸答
神休神亦錫羨土穀是依成此酬獻

徹豆奏豐寧之曲
應鍾宮

文治脩明相成田功功為特殊儀為特隆終如
其初誠則能通明神毋忘時和歲豐

送神奏鎮寧之曲
林鍾宮

不屋受陽國所崇敬以興來歲苞秀堅穎雲軒

莫駐神其諦聽景命有僕與國同永

望瘞位奏肅寧之曲
太簇宮

雅奏肅寧繁釐降格篚厥玄黃丹誠烜赫肇祀
以歸瞻言咫尺萬年攸介丕承帝德

先農樂章

降神奏鎮寧之曲
林鍾宮

民生斯世食為之天恭惟大聖盡心於田仲春
劭農明祀吉蠲馨香感神用祈豐年

盥洗奏肅寧之曲
太簇宮

洞酌行潦真足為薦奉茲潔清神在乎 分作

甘霖沾漑芳甸慎于其初誠意攸見

升壇奏肅寧之曲 應鍾宮

有椒其馨維多且旨式慎尔儀登降庭止黍稷

稻梁民無渴飢神嗜飲食永綏嘉祉

正配位奠玉帛奏億寧之曲 太簇宮

奉幣維恭前陳嘉王聿昭威儀肅雖純 南郊

深耕麻麥禾菽用祈三登膺受多福

奉俎奏豐寧之曲 太簇宮

奉牲孔嘉登俎豐備地官駿奔趨進 肥實

蕃 歆此誠意有年斯今均被神賜

酌獻奏保寧之曲 太簇宮

寶壇巍煌神應如響備膺咸有牲體芟芬洋洋

如在降格來享秉誠罔怠羣生瞻仰

配位奏保寧之曲 太簇宮

酒清斯香牲碩斯大具列觴俎精意斯會民命

維食稗莠無害我倉萬億神明攸介

亞終獻奏咸寧之曲

至誠攸感，罔蠶潛通。百穀嘉種，爰降時豐。祈年
孔肅，稼穡惟重。俯歆醴齊，載揚歌頌。

徹豆奏豐寧之曲 應鍾宮

有來雍雍，存誠敢匱。廢徹不違，靈神攸嗜。孔惠
孔時，三農是宜。眉壽萬歲，穀神丕乂。

送神奏鎮寧之曲 林鍾宮

焜蒿悽愴，萬靈來矣。靈神具醉，聿言旋歸。歲豐
時和，風雨應期。皇圖萬年，永膺洪禧。
望瘞奏肅寧之曲

禮成文備，歆受清祀。加牲蕪幣，陳玉如儀。靈御
言旋，面陰昭瘞。集茲嘉祥，常致豐歲。

文宣王釋奠樂章

迎神至望瘞 並與宋同

邠國公酌獻奏成安 南呂宮

心傳忠恕，一以貫之。爰述大學，萬世訓彞。惠我
光明，尊聞行知。繼聖迪後，是享是宜。

沂國公酌獻奏成安 南呂宮

公傳自曾，孟傳自公。有嫡緒承，允得其宗。提綱

開蘊乃作中庸侑于元聖億載是崇

大明集禮卷五十一

